

**ЎЗБЕКИСТОН RESPUBLIKASI
VAZIRLAR MAHKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 26 » декабря 2019 г.

№ 1037

Toshkent sh.

**Республика олий таълим кенгашини ташкил этиш
чора-тадбирлари тўғрисида**

Ўзбекистон Республикаси Президентининг “Ўзбекистон Республикаси олий таълим тизимини 2030 йилгача ривожлантириш концепциясини тасдиқлаш тўғрисида” 2019 йил 8 октябрдаги ПФ–5847-сон Фармонига мувофиқ, шунингдек, олий таълим тизимида таълим сифатини ошириш, соҳадаги мавжуд норматив-ҳуқуқий базани такомиллаштириш, олий таълим муассасаларининг халқаро нуфузини янада ошириш ва мамлакатда амалга оширилаётган кенг қамровли ислохотларда уларнинг фаол иштирокини таъминлаш мақсадида Вазирлар Маҳкамаси қарор қилади:

1. Ўзбекистон Республикаси Президентининг “Ўзбекистон Республикаси олий таълим тизимини 2030 йилгача ривожлантириш концепциясини тасдиқлаш тўғрисида” 2019 йил 8 октябрдаги ПФ–5847-сон Фармонига мувофиқ Ўзбекистон Республикаси Олий ва ўрта махсус таълим вазирлиги ҳузуридаги Жамоатчилик кенгаши ҳамда Ўзбекистон олий таълим муассасалари ректорлари кенгаши негизида нодавлат нотижорат ташкилот шаклидаги Республика олий таълим кенгаши (кейинги ўринларда Кенгаш деб аталади) ташкил этилганлиги маълумот учун қабул қилинсин.

2. Қуйндагилар Кенгашнинг фаолият йўналишлари этиб белгилансин:

профессор-ўқитувчилар, талабалар ўртасида сўровлар ўтказиш, жамоатчилик ва иш берувчиларнинг фикрини ўрганиш ҳамда илғор хорижий тажриба таҳлили асосида олий таълим сифатини ошириш, ўқув дастурларини такомиллаштириш ва замонавий педагогик технологияларни жорий этиш юзасидан асослантилган таклифлар ишлаб чиқиш;

олий таълимни давлат томонидан бошқариш тизими самарадорлигини, профессор-ўқитувчилар учун яратилган шароитлар ва улар томонидан таълим беришда қўлланилаётган таълим-тарбия усулларини тизимли таҳлил қилиб бориш;

таълим сифатни таъминлаш юзасидан таъсирчан жамоатчилик назоратини ўрнатиш, бу борада оммавий ахборот воситалари ва фуқаролик жамиятининг бошқа институтлари билан яқиндан ҳамкорлик қилиш;

олий таълим муассасаларининг фаолиятида шаффофлик ва холислик тамойиллари тўлақонли амал қилишини, коррупцияга шароит яратувчи омилларнинг барвақт олдини олиш ҳамда бартараф этишга қаратилган комплекс чора-тадбирларни ишлаб чиқиш ва амалга ошириш бўйича тавсиялар ишлаб чиқиш;

олий таълим тизимида кадрлар тайёрлаш, педагог кадрларни қайта тайёрлаш, малақасини ошириш ва уларнинг илмий-инновацион фаолиятини ривожлантириш бўйича ишларни мақсадли ташкил этиш юзасидан таклифлар ишлаб чиқиш;

олий таълим соҳасида халқаро ҳамкорлик натижадорлигини тизимли таҳлил қилиб бориш, кўшма таълим дастурлари самарадорлигини баҳолаш, ҳамкорликнинг янги шакллари ривожлантириш, чет эллик профессор-ўқитувчилар ва хориждаги ватандошларни олий таълим тизимига кенг жалб этиш бўйича асослантирилган таклифлар ишлаб чиқиш;

олий таълим муассасаларининг миллий ва халқаро рейтинг кўрсаткичларини мунтазам равишда таҳлил қилиб бориш ва уларнинг йиллик ўсиш динамикасини таъминлаш бўйича ташкилий масалаларда кўмаклашиш;

илгор хорижий тажрибани ўрганиш асосида республика олий таълим муассасаларининг фаолияти самарадорлигини баҳолаш ва такомиллаштириш асослантирилган таклифлар ишлаб чиқиш.

3. Қуйидагилар:

Республика олий таълим кенгашининг тузилмаси 1-иловага;

Республика олий таълим кенгаши тўғрисидаги низом 2-иловага;

Республика олий таълим кенгаши таркиби 3-иловага мувофиқ тасдиқлансин.

4. Кенгаш котибияти ходимларининг чекланган сони 3 нафар этиб белгилансин.

Кенгаш котибияти ходимлари меҳнатга ҳақ тўлаш шартлари бўйича олий таълим муассасасининг профессори лавозимига тенглаштирилсин.

5. Белгилансинки, Кенгаш юридик шахс мақомига эга бўлган нодавлат нотижорат ташкилоти ҳисобланади.

6. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, тизимида олий таълим муассасалари бўлган вазирлик ва идораларга Кенгаш фаолиятини амалга оширишга кўмаклашиш вазифаси юклатилсин.

7. Қуйидагилар Кенгаш фаолиятини молиялаштириш манбалари этиб белгилансин:

Ўзбекистон Республикаси Олий ва ўрта махсус таълим вазирлигининг Олий таълим муассасаларини ривожлантириш жамғармаси маблағлари;

тизимида олий таълим муассасалари бўлган вазирлик ва идораларнинг маблағлари;

жисмоний ва юридик шахсларнинг ҳомийлик хайрияларн;

халқаро молия ташкилотларининг грантлари;

қонун ҳужжатларида тақиқланмаган бошқа манбалар.

8. Тошкент ирригация ва кишлок хўжалигини механизациялаш муҳандислари институти Кенгаш фаолиятини самарали йўлга қўйиш учун икки ҳафта муддатда жой, зарур мебель жиҳозлари, ахборот-коммуникация ва бошқа техник воситалар билан таъминласин ҳамда Кенгаш билан “0” ставкадаги ижара шартномасини расмийлаштиришига рухсат берилсин.

9. Ўзбекистон Республикаси Олий ва ўрта махсус таълим вазирлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

10. Мазкур қарорнинг бажариллишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари А.А. Абдуҳақимов ва Ўзбекистон Республикаси олий ва ўрта махсус таълим вазири И.У. Маджидов зиммасига юклансин.

**Ўзбекистон Республикасининг
Бош вазири**



А. Арипов

Республика олий таълим кенгаши ТУЗИЛМАСИ



Вазирлар Маҳкамасининг
2019 йил “26” декабрдаги 1037 сон қарорига
2-илова

Республика олий таълим кенгаши тўғрисида НИЗОМ

1-боб. Умумий қондалар

1. Мазкур Низом Республика олий таълим кенгаши (кейинги ўринларда Кенгаш деб аталади) мақоми, асосий вазифалари, функциялари, ваколатлари ва фаолиятини ташкил этиш тартибини белгилайди.

2. Кенгаш юридик шахс мақомига эга бўлган нодавлат ноижорат ташкилот ҳисобланади.

3. Кенгаш ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига ҳамда ушбу Низомга ва бошқа қонун ҳужжатларига амал қилади.

4. Кенгаш томонидан ишлаб чиқилган тавсиялар республикадаги барча олий таълим муассасаларига, манфаатдор марказлар ва ташкилотларга татбиқ этилади.

5. Кенгаш ўз фаолиятини ошкоралик, коллегиялик, ўзаро ҳурмат, тенг ҳуқуқлилик, жамоатчилик фикрини ҳисобга олиш, ижодий ҳамфикрлилик тамойиллари асосида юритади.

6. Кенгаш ўз номига, муҳр ва штампларига ҳамда белгиланган тартибда Ўзбекистон Республикаси Адлия вазирлигидан рўйхатдан ўтган гувоҳномага, тегишли банкда ўз миллий ва валюта ҳисоб рақамларига ҳамда бошқа ўз фаолиятини амалга ошириш учун зарур бўлган атрибутика ва реквизитларига эга.

7. Кенгашнинг расмий номи:

ўзбек тилида – Respublika oliy ta'lim kengashi;

рус тилида – Республиканский совет высшего образования;

инглиз тилида – Republican Higher Education Council.

8. Кенгаш котибияти жойлашган жой (почта) манзили: Тошкент шаҳри, Мирзо Улуғбек тумани, Қори-Ниёзий кўчаси 39-уй.

2-боб. Кенгашнинг асосий фаолият йўналишлари, функциялари, ҳуқуқлари ва мажбуриятлари

9. Қуйидагилар Кенгашининг фаолият йўналишлари ҳисобланади:

профессор-ўқитувчилар, талабалар ўртасида сўровлар ўтказиш, жамоатчилик ва иш берувчиларнинг фикрини ўрганиш ҳамда илғор хорижий тажриба таҳлили асосида олий таълим сифатини ошириш, ўқув дастурларини

такомиллаштириш ва замонавий педагогик технологияларни жорий этиш юзасидан асослантирилган таклифлар ишлаб чиқиш;

олий таълимни давлат томонидан бошқариш тизими самарадорлигини, профессор-ўқитувчилар учун яратилган шароитлар ва улар томонидан таълим беришда қўлланилаётган таълим-тарбия усулларини тизимли таҳлил қилиб бориш;

таълим сифатни таъминлаш юзасидан таъсирчан жамоатчилик назоратини ўрнатиш, бу борада оммавий ахборот воситалари ва фуқаролик жамиятининг бошқа институтлари билан яқиндан ҳамкорлик қилиш;

олий таълим муассасаларининг фаолиятида шаффофлик ва холислик тамойиллари тўлақонли амал қилишини, коррупцияга шароит яратувчи омилларнинг барвақт олдини олиш ҳамда бартараф этишга қаратилган комплекс чора-тадбирларни ишлаб чиқиш ва амалга ошириш бўйича тавсиялар ишлаб чиқиш;

олий таълим тизимида кадрлар тайёрлаш, педагог кадрларни қайта тайёрлаш, малакасини ошириш ва уларнинг илмий-инновацион фаолиятини ривожлантириш бўйича ишларни мақсадли ташкил этиш юзасидан таклифлар ишлаб чиқиш;

олий таълим соҳасида халқаро ҳамкорлик натижадорлигини тизимли таҳлил қилиб бориш, кўшма таълим дастурлари самарадорлигини баҳолаш, ҳамкорликнинг янги шакллари ривожлантириш, чет эллик профессор-ўқитувчилар ва хориждаги ватандошларни олий таълим тизимига кенг жалб этиш бўйича асослантирилган таклифлар ишлаб чиқиш;

олий таълим муассасаларининг миллий ва халқаро рейтинг кўрсаткичларини мунтазам равишда таҳлил қилиб бориш ва уларнинг йиллик ўсиш динамикасини таъминлаш бўйича ташкилий масалаларда кўмаклашиш;

илғор хорижий тажрибани ўрганиш асосида республика олий таълим муассасаларининг фаолияти самарадорлигини баҳолаш ва такомиллаштириш асослантирилган таклифлар ишлаб чиқиш.

10. Кенгаш ўзига юкланган вазифаларни бажариш учун қуйидаги функцияларни амалга оширади:

республика, шунингдек чет мамлакатларнинг олимлари, ватандош олимлар, мутахассислар ва экспертларни маслаҳатлар учун жалб этади;

олий таълим муассасалари фаолиятини жойида ўрганади, таҳлил қилади, ўрганиш натижалари бўйича хулоса ва таклифларни олий таълим муассасаси, вазирлик ва идоралар, Вазирлар Маҳкамаси, ижро этувчи ҳокимият органларига киритади;

олий таълим тизими фаолиятига доир масалалар юзасидан фуқаролар, нодавлат ноижорат ташкилотлари ва фуқаролик жамияти бошқа институтларининг ташаббуслари ҳамда мурожаатларини кўриб чиқишда иштирок этади, шунингдек, уларнинг натижалари бўйича таклифларни тизимида олий таълим муассасалари бўлган вазирлик ва идораларга киритади;

олий таълим соҳасидаги мавжуд норматив-ҳуқуқий ҳужжатларни такомиллаштириш бўйича таклифлар ишлаб чиқади ва тизимида олий таълим муассасалари бўлган вазирлик ва идораларга киритади;

давлат дастурлари лойиҳалари, тадбирлар режалари ва олий таълим тизимига тааллуқли, шу жумладан коррупцияга қарши курашиш тўғрисидаги бошқа норматив-ҳуқуқий ҳужжатлар лойиҳаларини ишлаб чиқиш юзасидан асослантирилган таклифлар тайёрлайди, қабул қилинган дастурларни амалга оширишда ўз ваколатлари доирасида иштирок этади;

олий таълим муассасаларида соғлом ишчанлик муҳитини шакллантириш, қонунийликни, юксак ҳуқуқий маданият ва ахлоқийликни таъминлаш, Ватанга содиқлик руҳини ва қонунларга бўлган ҳурматни кучайтириш, ижтимоий, сиёсий, руҳий ва маънавий-маърифий камол топтириш, шунингдек, мазкур соҳадаги илмий-маърифий ва ўқув адабиётларини такомиллаштириш бўйича таклифлар ишлаб чиқади;

мамлакатда ва хорижда кенг жамоатчиликни олий таълим фаолиятини ислоҳ қилиш бўйича амалга оширилаётган тизимли чора-тадбирлар ҳақида мунтазам равишда хабардор қилиш ҳамда мавжуд муаммоларни ҳал қилиш ва камчиликларни бартараф этиш юзасидан таклифлар тайёрлайди;

илмий-назарий ва илмий-амалий конференциялар, семинарлар, “давра суҳбатлари”ни ташкил этади;

олий таълим муассасалари фаолиятини оммавий ахборот воситаларида кенг ёритиш бўйича бажарилаётган ишларнинг натижаларини таҳлил қилиш, уларнинг самарадорлигини ошириш ва мавжуд камчиликларни бартараф этиш юзасидан таклифлар ишлаб чиқади;

Кенгашга юклатилган вазифаларни бажаришда нодавлат нотижорат ташкилотлари, оммавий ахборот воситалари, фуқаролик жамиятининг бошқа институтлари ҳамда фуқаролар билан ҳамкорлик қилади.

Кенгаш қонун ҳужжатларига мувофиқ бошқа функцияларни ҳам амалга оширади.

11. Кенгаш зиммасига юклатилган вазифалар ва функцияларни бажариш учун қуйидаги ҳуқуқларга эга:

Ўзбекистон Республикаси Олий ва ўрта махсус таълим вазирлигининг Ҳайъат мажлислари ва бошқа тадбирлари тўғрисидаги ахборотни олдиндан олиш ҳамда мазкур тадбирларда иштирок этиш;

олий таълим муассасаларининг бинолари (хоналари) ва бошқа объектларидан фойдаланиш самарадорлигини ўрганиш;

олий таълим муассасалари раҳбарларига Кенгаш ваколатига кнрадиган масалалар юзасидан таклифлар киритиш;

тизимида олий таълим муассасалари бўлган вазирлик ва идораларнинг таълим фаолияти самарадорлигини оширишга қаратилган асослантирилган таклифлар ишлаб чиқиш учун зарур бўлган ахборот, статистика ва бошқа таҳлилий материалларни белгиланган тартибда олиш;

олий таълим соҳасидаги норма ижодкорлиги фаолиятига, шунингдек, норматив-ҳуқуқий ҳужжатлар лойиҳаларининг муҳокамасида жамоатчилик ва экспертлар иштирокини таъминлаш;

Кенгаш мажлисларида муҳокама килинадиган масалаларни ёритиш бўйича оммавий ахборот воситалари билан ҳамкорлик қилиш.

Кенгаш қонун ҳужжатларига мувофиқ бошқа ҳуқуқларга ҳам эга бўлиши мумкин.

12. Кенгаш ўз фаолиятини амалга оширишда:

қонун ҳужжатларига сўзсиз риоя қилади;

жамоатчилик назорати тўғрисидаги қонун ҳужжатлари талабларига сўзсиз риоя қилади;

ўз фаолиятининг натижалари юзасидан ҳисобот юритади;

жамоатчилик назоратини амалга ошириш жараёнида олинган ахборот, агар бундай ахборотни тарқатиш қонун ҳужжатлари билан чекланган бўлса, махфийлик тартибига риоя қилади.

Кенгаш зиммасида қонун ҳужжатларига мувофиқ бошқа мажбуриятлар ҳам бўлиши мумкин.

3-боб. Кенгашнинг таркибини шакллантириш ва ишнинг ташкил этиш тартиби

13. Кенгаш раис, раис ўринбосари, котибият ва Кенгаш аъзоларидан иборат таркибда фаолият юритади.

14. Кенгаш таркибига, қоида тариқасида, олий таълим муассасалари ректорлари, Ўзбекистон Республикаси Фанлар академиясининг аъзолари, олий таълим тизимида ёки соҳалар бўйича ишлаб чиқаришда юксак тажрибага эга бўлган мутахассислар, хизмат фаолиятида юксак натижаларга эришган меҳнат фахрийлари, ижодкор ва зиёлилар, катта амалий тажрибага эга обрў-эътиборли фуқаролар, оммавий ахборот воситалари ва фуқаролик жамиятининг бошқа институтлари вакиллари киритилади.

15. Кенгаш таркиби Вазирлар Маҳкамаси томонидан тасдиқланади. Зарур ҳолларда, Кенгаш қарори асосида аъзолари билан келишилган ҳолда унинг таркибига ўзгартиришлар киритилиши мумкин.

16. Қуйидаги ҳолатларда Кенгаш раиси, раис ўринбосари ва аъзолари унинг таркибидан чиқарилиши мумкин:

Кенгаш таркибидан чиқиш тўғрисида ариза тақдим этганда;

Кенгаш мажлисларида мунтазам равишда иштирок этмаганда, мазкур Низомнинг 12-бандида назарда тутилган мажбуриятлар бажарилмаганда;

уларга нисбатан чиқарилган суднинг қонуний ҳукми кучга кирганда;

вафот этганда, шунингдек, суднинг қонуний кучга кирган ҳал қилув қарори асосида;

қонун ҳужжатларда назарда тутилган бошқа ҳолатларда.

17. Кенгаш таркиби тўғрисидаги маълумотлар ва унга киритилган ўзгартиришлар улар тасдиқланган вақтдан бошлаб 5 кун ичида Кенгашнинг расмий веб-сайтида эълон қилинади.

18. Кенгаш раиси:

Кенгаш фаолиятига умумий раҳбарликни амалга оширади;

Кенгаш мажлисларини чақиради ва кун тартибини белгилайди;

Кенгаш мажлисларида раислик қилади;

Кенгаш иш режасини, мажлиси баённомасини ва бошқа ҳужжатларини тасдиқлайди;

Кенгаш қарорларининг ижроси устидан назоратни таъминлайди;

Кенгаш аъзоларининг зиммасига юклатилган вазифалар бажарилишини мувофиқлаштиради;

Кенгаш қарорларининг бажарилиши юзасидан тизимида олий таълим муассасалари бўлган вазирлик ва идоралар билан ҳамкорлик қилади;

Кенгаш йиғилиши, котибияти ҳамда Кенгашнинг мазкур низомда белгиланган мақсадлар доирасида маблағ ва воситаларини тасарруф қилади;

Кенгаш йиғилиши олдида ҳисобот беради.

Кенгаш раиси Кенгашнинг самарали ишини таъминлаш бўйича бошқа ваколатларни амалга оширади.

19. Кенгаш раиси бўлмаган тақдирда, унинг ваколатларини Кенгаш раисининг ўринбосари бажаради.

20. Кенгаш раисининг ўринбосари:

Кенгаш раиси бўлмаганда Кенгашнинг мажлисларида раислик қилади;

Кенгаш қарорлари ижросини назорат қилиш бўйича ишларни ташкил этади;

жисмоний ва юридик шахсларнинг вакилларини қабул қилади, шунингдек, Кенгаш фаолиятига тааллуқли мурожаатларни кўриб чиқиш бўйича ишларни ташкил этади.

Кенгаш раиси ўринбосари Кенгашнинг самарали ишини таъминлаш бўйича бошқа ваколатларни амалга оширади.

21. Кенгаш котибияти:

Кенгаш фаолиятини услубий, ташкилий-ҳуқуқий ва ташкилий-техник жиҳатдан таъминлаш масалаларини ҳал қилади;

Кенгашнинг навбатдаги мажлисига барча зарур материаллар ўз вақтида тайёрланишини таъминлайди, тизимида олий таълим муассасалари бўлган вазирлик ва идоралардан зарур ҳужжатлар ва маълумотларни сўраб олади;

кун тартибига мувофиқ Кенгаш мажлислари ўтказилишини ташкил этади;

Кенгаш ўтказиладиган сана, жой ва таклиф этиладиган шахслар рўйхатини Кенгаш раиси билан келишадн;

Кенгаш аъзоларини ва таклиф этилган шахсларни Кенгаш мажлиси ўтказиладиган жой, сана ва вақт ҳақида хабардор қилади;

Кенгаш қарорлари ижро этилиши устидан мониторинг олиб боради ва унинг натижаларини Кенгаш мажлисида кўриб чиқиш бўйича таклифлар киритади;

Кенгаш мажлисиинг баённомасини расмийлаштиради ва тасдиқланган баённоманинг Кенгаш аъзолари ҳамда бошқа манфаатдор шахсларга жўнатилишини таъминлайди.

Кенгаш котибияти Кенгашнинг самарали фаолият юритишини таъминлаш бўйича бошқа ваколатларни амалга оширади.

22. Кенгаш аъзолари ўз мажлисларида кўриб чиқиладиган масалаларни муҳокама қилиш ва ҳал қилишда ўз ваколатини бошқаларга ўтказиш ҳуқуқига эга эмас.

Кенгаш мажлисида иштирок этиш имкони бўлмаган ҳолатларда, унинг аъзоси мажлис кун тартибидаги масалалар бўйича ўз фикрини ёзма шаклда юбориши мумкин. Бунда, унинг фикри Кенгаш мажлисида кўриб чиқилади ва овоз беришда ҳисобга олинади.

Кенгаш аъзолари:

ўз зиммасига юкланган вазифаларни бажариш учун Ўзбекистон Республикаси Олий ва ўрта махсус таълим вазирлиги томонидан ташкил этиладиган Ҳайъат мажлисларида ва бошқа оммавий тадбирларда иштирок этади;

Кенгаш иш режаларининг лойиҳаларини тайёрлашда, уларни Кенгашда кўриб чиқишда ва тасдиқланган иш режалари бажарилишда фаол иштирок этади;

тизимда олий таълим муассасалари бўлган вазирлик ва идоралар фаолиятининг самарадорлигини ошириш бўйича таклифлар ва тавсияларни ишлаб чиқиш ҳамда амалга оширишда қатнашади;

олий таълим муассасалари ходимлари, жамоатчилик вакиллари билан учрашувлар ўтказади ва уларнинг ҳуқуқлари, эркинликлари ҳамда қонуний манфаатларини таъминлаш бўйича таклифларни Кенгашга киритади;

Кенгаш кун тартибига киритилган масалалар юзасидан таҳлилий материаллар тайёрлашда иштирок этади;

Кенгаш ваколатига қирадиган масалалар билан боғлиқ мурожаатларни кўриб чиқади ва натижалари бўйича тегишли ҳужжатларни тайёрлашда қатнашади.

Кенгаш зиммасига юклатилган вазифалар ва функцияларга мувофиқ бошқа ваколатларни амалга оширишда иштирок этади.

23. Кенгаш фаолиятининг асосий масалалари унинг мажлисларида кўриб чиқилади. Кенгаш мажлиси унинг иш режалари асосида ҳар чорақда камида бир марта қақрилади.

24. Кенгаш мажлисларига Кенгаш аъзолари бўлмаган бошқа давлат органлари, нодавлат ноижорат ташкилотлари ва бошқа фуқаролик жамияти институтларининг вакиллари таклиф этилиши мумкин.

25. Кенгаш мажлиси кун тартибининг лойиҳаси котибият томонидан Кенгаш аъзоларининг таклифлари ва Кенгаш раисининг топшириғи асосида шакллантирилади.

26. Кенгаш мажлисини унинг раиси олиб боради. Кенгаш мажлисида Ўзбекистон Республикаси олий ва ўрта махсус таълим вазири, унинг ўринбосарлари ва бошқа ходимлар иштирок этиши мумкин.

27. Кенгаш мажлиси, агар унда Кенгаш аъзоларининг камида учдан икки қисми (кворум) иштирок этган тақдирда ваколатли ҳисобланади.

Мажлисни ўтказиш учун кворум шаклланмаган тақдирда, Кенгашнинг янги мажлиси ўтказиладиган сана эълон қилинади.

28. Кенгаш қарори мажлисда иштирок этаётган Кенгаш аъзоларининг оддий кўпчилик овози билан қабул қилинади.

29. Кенгашнинг ҳар бир аъзоси қабул қилинаётган қарорлар бўйича ўзининг фикрини ёзма шаклда ифодалашга ҳақли. Унинг фикри Кенгаш мажлисининг баённомасига мажбурий тартибда кўшиб қўйилади.

30. Кенгаш мажлисида қабул қилинган қарор баённома билан расмийлаштирилади. Кенгаш мажлисининг баённомаси котибият томонидан имзоланади, мажлисга раислик қилувчи томонидан тасдиқланади ва уч кун муддатда тизимида олий таълим муассасалари бўлган вазирлик ва идораларга, Кенгаш аъзоларига ҳамда манфаатдор шахсларга юборилади.

31. Кенгаш қарорини тезлик билан қабул қилиш зарурияти туғилганда, унинг раиси ташаббуси билан қарор Кенгашнинг аъзолари билан келишилган ҳолда сўров йўли билан қабул қилиниши мумкин.

Тизимида олий таълим муассасалари бўлган вазирлик ва идоралар Кенгашнинг қабул қилган қарорига қўшилмаган тақдирда, Кенгашнинг қарорини олган кундан бошлаб ўн кундан кечикмай унга асосланган эътирозини ёзма шаклда юборади.

32. Кенгаш котибияти Кенгаш аъзолари кўмагида Кенгаш қарорлари ижросининг боришини ўрганади ва кўриб чиқади, зарур ҳолларда, Кенгашнинг раисига тегишли таклифлар киритади.

4-боб. Олий таълим кенгашининг ташкилий тузилмаси ва бошқарув органлари

33. Кенгаш йиғилиши – Кенгашнинг олий органидир.

Қуйидагилар Кенгаш йиғилиши:

Кенгаш фаолиятининг асосий йўналишларини белгилайди;

Кенгаш тўғрисидаги низомга ўзгартириш ва қўшимчалар киритади;

Кенгаш котибияти, раиси, раиси ўринбосарларини, тафтиш комиссиясини сайлайди;

Кенгаш раиси, раис ўринбосарлари ва тафтиш комиссиясининг ҳисоботларини эшитади;

Кенгаш фаолиятини қайта ташкил этиш ёки уни тугатиш тўғрисида қарор қабул қилади.

Кенгаш йиғилиши ўзининг ваколатидаги бошқа масалаларни ҳам кўриб чиқиши мумкин.

34. Кенгаш йиғилиши, одатда камида ҳар уч ойда бир мартаба кенгаш котибияти томонидан чақирилади.

Навбатдан ташқари Кенгаш йиғилиши котибият, тафтиш комиссияси ёки Кенгашнинг 1/4 қисмидан кам бўлмаган аъзолари мурожаатига кўра, унинг ваколатидаги ёки ваколатидан ташқари бўлган кечиктириб бўлмайдиган масалаларни муҳокама қилиш мақсадида чақирилиши мумкин.

Кенгаш аъзолари Кенгаш йиғилишидан камида икки кун олдин ёзма равишда огоҳлантирилиши зарур.

Овоз беришда Кенгашнинг ҳар бир аъзоси бир овозга эга бўлади.

Овоз бериш тартиби ва шартлари котибият томонидан белгиланади.

5-боб. Кенгашнинг мол-мулки ва воситалари

35. Кенгаш Низомда белгиланган фаолиятини амалга ошириш учун зарур бўлган ер майдони, бино ва иншоотлари, транспорт воситалари, жиҳозлари, мулки, молиявий ва бошқа ресурсларига эга бўлиши мумкин.

Кенгаш қонун ҳужжатларига асосан ўзига тегишли мулкка ўз фаолияти доирасидаги мақсад ва вазифаларга ҳамда уларнинг мўлжалланганлигига мос равишда эгаллик қилади ва ундан фойдаланади.

36. Қуйидагилар Кенгаш фаолиятини молиялаштириш манбалари ҳисобланади:

Ўзбекистон Республикаси Олий ва ўрта махсус таълим вазирлигининг Олий таълим муассасаларини ривожлантириш жамғармасидан ажратиладиган маблағлар;

тизимида олий таълим муассасалари бўлган вазирлик ва идораларнинг маблағлари;

жисмоний ва юридик шахсларнинг ҳомийлик хайриялари;

халқаро молия ташкилотларининг грантлари;

қонун ҳужжатларида тақиқланмаган бошқа манбалар.

6-боб. Кенгаш тафтиш комиссияси

37. Кенгаш тафтиш комиссияси (кейинги ўринларда Тафтиш комиссияси деб аталади) – Кенгаш томонидан Ўзбекистон Республикаси қонунлари ва мазкур Низом талабларини бажарилишини назорат қилади. Тафтиш комиссияси ҳар йили камида бир мартаба Кенгашнинг молиявий хўжалик фаолиятини тафтишдан ўтказди. Кенгаш фаолиятида жиддий камчиликлар

аниқланган тақдирда, тафтиш комиссияси Кенгашнинг навбатдан ташқари мажлисини чақириш масаласини қўйиш ҳуқуқига эга.

38. Тафтиш комиссияси раис ва икки аъзодан иборат таркибда Кенгаш аъзолари ичидан беш йил муддатга сайланади. Тафтиш комиссияси аъзолари бир неча маротаба қайта сайланиши мумкин. Кенгаш бошқаруви аъзолари ҳамда Кенгашда асосий штатда фаолият кўрсатувчи ходимлар Тафтиш комиссиясига сайланмайдилар.

39. Тафтиш комиссияси, ўз қарорларини қабул қилишда унинг аъзоларидаи камида икки нафари иштирок этган ҳолларда ваколатли ҳисобланади. Тафтиш комиссияси қарорлари очик овоз бериш йўли билан, унинг мажлисида иштирок этаётган аъзоларининг оддий кўпчилик овози асосида қабул қилинади. Овозлар тенг бўлган ҳолларда, Тафтиш комиссияси раисининг овози ҳал қилувчи ҳисобланади. Тафтиш комиссияси баённомаси унинг мажлисида иштирок этаётган барча аъзолар томонидан имзоланади.

40. Тафтиш комиссияси раиси Кенгаш ва унинг бошқаруви мажлисларида маслаҳат овози билан иштирок этиш ҳуқуқига эга. Кенгаш ва унинг бошқаруви томонидан Кенгаш фаолиятининг молиявий масалалари муҳокамаси бўйича ўтказиладиган мажлисларга Тафтиш комиссияси раисини таклиф этиш шарт. Бундай мажлисларда Тафтиш комиссияси раиси ҳал қилувчи овоз ҳуқуқига эга.

41. Кенгаш бошқарувининг қарорига кўра Кенгашнинг молиявий-хўжалик фаолияти тафтиши мустақил аудиторлик ташкилотлари томонидан ҳам ўтказилиши мумкин.

7-боб. Яқунловчи қондалар

42. Кенгаш фаолияти ҳақидаги маълумотлар Кенгашнинг расмий веб-сайтида мунтазам равишда ёритиб борилади.

43. Кенгашни қайта ташкил этиш ва тугатиш қонун ҳужжатларида белгиланган тартибда амалга оширилади.

Республика олий таълим кенгаши
ТАРКИБИ

1. У.Умурзаков – Тошкент ирригация ва қишлоқ хўжалигини механизациялаш муҳандислари институти ректори, *Кенгаш раиси*
2. У.Ташкенбаев – Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси бошлиғи, *Кенгаш раиси ўринбосари*
3. А.Саъдуллаев – Ўзбекистон Республикаси Президентининг ёшлар, фан, таълим, соғлиқни сақлаш, маданият ва спорт масалалари бўйича маслаҳатчисининг биринчи ўринбосари – Ўзбекистон Ёшлар иттифоқи Марказий Кенгаши раиси (*келишув асосида*)
4. И.Абдурахмонов – Ўзбекистон Республикаси инновацион ривожланиш вазири
5. А.Бекмуродов – “Эл-юрт умиди” жамғармаси директори вазифасини бажарувчи
6. *лавозими бўйича* – Ўзбекистон Республикаси Олий Мажлиси Сенати аъзоси (*келишув асосида*)
7. *лавозими бўйича* – Ўзбекистон Республикаси Олий Мажлиси Қонунчилик палатаси депутати (*келишув асосида*)
8. К.Алпасв – Ўзбекистон Республикаси Фанлар академияси академиги
9. К.Тожибосв – Ўзбекистон Республикаси Фанлар академияси Ботаника институти директори
10. Р.Холмурадов – Самарқанд давлат университети ректори
11. Г.Рихсиева – Тошкент давлат шарқшунослик институти ректори
12. К.Каримов – Тошкент Халқаро Вестминстер университети ректори
13. Ў.Саломов – Тошкент шаҳридаги Турин политехника университети ректори
14. А.Хасанов – Ўзбекистон Республикаси Президенти ҳузуридаги Давлат хизматини ривожлантириш агентлиги бошқарма бошлиғи (*келишув асосида*)

15. М.Сафаров – “Ўзбекистон 24” телеканали директори
16. Ғ.Самадов – Халқаро пресс-клуб раиси ўринбосари
17. М.Абдुकундузов – Ўзбекистон ва Қорақалпоғистон халқ артисти
18. М.Рахматов – “ВСТ cluster” МЧЖ раҳбари, профессор
19. А.Шермухаммедов – Ўзбекистон Республикаси Вазирлар Маҳкамаси ҳузуридаги Олий аттестация комиссияси бош илмий котиби
20. Н.Жонибсков – Ватандош, Германиянинг Лейбниц институти илмий ходими, фалсафа доктори
21. Б.Фарманов – Илм-фан ва таълим-тарбияни ривожлантириш “Ziyo Forum” фонди директори
22. Х.Худойбердиев – Ижтимоий тармоқлардаги “Xushnudbek.uz” саҳифалари администратори

